



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1525. usque ad annum 1529

Fleury, Claude

August. Vind. [u.a.], 1769

VD18 90118480

§. 93. Franciscus Sfortia a Cæsare Mediolanensi Ducatui suo restitutus.

[urn:nbn:de:hbz:466:1-66472](https://nbn-resolving.org/urn:nbn:de:hbz:466:1-66472)

§. XCHII.

Sæcul. XVI.

A.C. 1529

Franciscus Sfortia a Cæsare Mediolanensi Ducatui suo restitutus.

Guic. l. 19.

Paul. Jov.

lib. 26.

Ant. Vera

l. cit. p. 177.

Steidan. l. 6

p. 202.

Imperator Sfortiam per aliqua temporis momenta genuflexum excepit, postea vero surgere iussum præsentibus Venetorum Legatis benignis hisce verbis allocutus est: „ Equidem tua in me „ infidelitas permolesta mihi accidit, „ nec ultionis media mihi deessent, si „ eo devenire vellem; Mediolanensem „ enim Ducatum jure retinere possem, „ eo solo nomine, quod beneficiariam „ illius possessionem edito diplomate a „ Maximiliano Avo meo receperim; „ præterea si belli juribus insistere voluisssem, certo nomine Ducatum mihi vindicare potuisssem. Nihilominus te in pristinum dominium reponere statui non modo, ut Sanctitatis suæ precibus, & Reipublicæ votis cedam, a quibus universalem pacem reducere rogatus sum, sed etiam ut innatæ indoli meæ obsequar, qua libentius propria amittere, quam aliena eripuisse, saltem suspicandi ansam dare volo. „ Tanto itaque magnanimitatis ac justitiæ studio incitatus Imperator Sfortiæ Mediolanensem Ducatum restituit, simulque Cæsareum inaugurationis diploma concessit, ea lege,

ge, ut in pecunia numerata centies mille aureos Imperatori penderet, & præter quingenta millia intra decem annos per totidem solutiones numeranda insuper Christinam Neptin suam, ac Regis Daniæ filiam uxorem duceret.

Sæcul. XVI.
A.C. 1509.

§. XCIV.

De Ferrariæ Ducis negotio.

Sub idem tempus Ferrariæ Dux Cæsarem rogabat, ut controversiæ, quam hic Dux cum Papa habebat, arbiter ac iudex esse velit. Placuit Cæsari Ducis consilium, ipse etiam Clemens Papa causæ suæ haud melius consultum iri arbitrabatur, quam si Cæsaris decisioni sese submitteret, eo potissimum nomine, quia Carolus ex Barcinonensis fœderis legibus sese obstrinxerat, quod operam suam impendere velit, ut Mutinam ac Reggium recuperaret, necnon Ferrariensis Ducatus possessionem acciperet.

Ceterum magis pertinaces erant Florentini; hi enim cunctas concordiæ leges cum Papa ineundas respuebant, nisi saltem eisdem libertatis suæ, quam ad ultimam usque sanguinis guttam tueri statuebant, conservatio promitteretur. Hanc in rem offerebant ingentem auri vim: cum autem conditiones, quas Papa proponebat, eis minus arriderent, re infecta discedebant.

Q o 2

§. XCV.